

امور تحریر بہ ایچون فؤاد بکہ
وامور اداره ایچون آرتین افندی بہ
مراجعت اولنور۔

مَحَلُّو صَالَت

مسلمہزہ موافق آثار قبول اولنور۔
درج ایدلین اوراق اعادہ اولنماز۔

ادارہ خانہ سی باب عالی جادہ سندہ
۵۲ نومرولو « شرکت مرتبہ »
مطبعہ سیدر۔

استانبول ایچون سنہ لکی مطبعہ دن
آلنق شرطیلہ ۴۰، طشرہ لره پوستہ
اجرتیلہ برابر ۶۰ غروشدہ۔

مکتوب ایله برپاکت وار. « بنم آدره سمه پوسته دن بر مکتوب و بر پاکت ظهور ایتسین، بوحقیقه غرابدن ایدی. مکتوبک مرسلی اولان قونت دو... بکا خطاباً شویله یازیوردی: «شهری ترک ایدیورز. چونکه بوراده اقامت آرتق بزم ایچون قابل دکلدر. جکر پاره منی ماری نک نعشی یاقینده اخراج اوله جق. بزانی آلوب اوزاقلره کیده جکر. قیز منک تابوتی اوزرینه قونیلان اک کوزل دمتک کیمک طرفدن کوندرلش اولدیغنی ییلز دکلز؛ قبرنی هر کون کلرله ترین ایده نک کیم اولدیغنی ده بیلورز. شو معامله خالصانه تأثر منی موجب اولدی. بورادن انفکا کمزدن اول - هر حال کز کنديسنی سومش اولدیغکره دلالت ایدن - قیز مزدن سزه بر یادکار براقق ایستورز. »

پاکتی آچدم: دروننده شو کوردیککر رسمی بولدم. ابتدا آنی پک بکدم. چونکه ماری نک حسن و جمالنی رستندن قات قات افزون بولیورم. حیفاکه قوه حافظه پک چابوق زائل اولیور. شیمدی و چوقدن بری بورسیم بکا کوزل کورونمکده در....

دوستم، کلر مک قوقوسی شو بنجره دن نه کوزل کلیور؛ طویور میسکر !؟

مسیر دانسه



آفریقاده طرز تغدی

بوندن اولکی مقاله ده انسانیتک مهد ظهوری اولان آسیا قطعه سندن اوزاقلشدیجی

تغدی به خدمت ایدن نباتات و حیواناتک تراید و یا تناقص ایتدیکنی کورمش ایدک؛ ینه بو نقطه نظر دن آفریقا قطعه سنه دائر ویره جکمز معلومات بونک حقیقه مقارن اولدیغنی کوسته ره جکدر. آفریقا قطعه جسیه سنده یتیشن نباتات و حیوانات اهلیه نک اک چوغنی شمال شرقی جهتلرنده و آسیا قطعه سیله برلشدیکی طرفلرده بولنور.

بو حیوانات و نباتاتک ازمنه ابتدایه ده آسیادن مصر قطعه سنه ادخال ایدیلوب بورادن آفریقانک ایچریلرینه دوغرو انتشار ایتش اولدیغنده شبهه یوقدر. بوکون آفریقا نک اکثر نقطه لرنده اورهین مختلف الجنس حیوانات اهلیه دن بر چوغنک نه زمان ونه صورتله ادخال ایدلیکی معلومدر.

از جمله دوه میلادک اوچنجی عصرنده مصره کتیرلش اولدیغنی حالده، بوکون اورایه مخصوص اولان حیواناتدن تقریقی همان قابل دکلدر. آسیا و هندوستان اقوامنک همان یکانه واسطه تعیشلری اولان پرنج، خلفای امویه زمانندن اول مصرده معلوم دکلدی. اسکی مصر لیلرک پک چوق اکدکلری بغدادی، بوکون آفریقانک اورتی یلرنده اوقدر انتشار ایده مه مشدر. طبیعیونک هولکوس اسپیکا-

توس تعبیر ایتدکلری ویریلرک دوفحان دیدکلری برنوع داری ایله ینه بوجنسدن دورا نامی ویریلن حبوبات آفریقانک باشقه بریرده نشو ونما بولمادیغندن بونلرک بدایه بوراده حاصل اولوب باشقه بر طرفدن کتیریلدیگی اکلاشیلر؛ آفریقا سیاهیلرینک درتده اوچی همان داریلر ایله تعیش ایدرلر. آسیا و آوروپایه مخصوص اولان حبوبات وبالخاصه آربه آفریقانک اراضی شمالیه و شرقیه سندن ده ایچریلره دوغرو تدریجاً آزالیر. سواحل شمالیه ده، بریریلرک ساکن اولدکلری اراضیده شمالی آوروپانک اکثر نباتات و حیوانته تصادف ایدلمکده در.

صحرای کبیر الواحیلرله آفریقانک مدارین آراسنده محصور اولان نقطه لرنده اهالنک باشلیجه مدار تعیشی خرماندن عبارت ايسده خط استوا اوزرنده کی اراضیده اسکان ایدن سیاهیلر علی الاکثر موز و فرنکلرک این یام تعبیر ایتدکلری نباتات مغدیه ایله کچیرلر. نهرلرک کچدیگی اراضیده نباتات کثرتله نشو ونما بولور؛ بیوک صولرک، کوللرک سواحلی صوک درجه ده منبت اولدیغندن بورالده تأمین حیات ایچون چوق چالیشمه احتیاج یوقدر؛ بوکی اراضی منبتده ساکن اولان نفوسک کثرتی ده بوندن ایلری کلکده در. بو قطعه نک اک مشهور سیاحلرندن اولان اشو نیفورتنک روایتنه کوره، نیل ابیض جوارنده کائن شیلوق ملکیتده هر بر مربع میل اراضی به ۶۰۰ : ۶۲۵ نفوس اصابت ایتمکده در.

علی العموم آفریقا سیاهیلری نژندن بولنان حیوانات اهلیه آسیا قطعه سنه مخصوص اولان حیواناتدن عبارت ايسده، صورت صورت انتشارلرینه کوره هر ایکی قطعه آراسنده بیوک برتخالف واردر. عن اصل آسیادن چیقان آت، آفریقانک بعض ممالک شمالیه سنده اک اول مصر لیلرک، ده صوکره رومالیلرک، صربلرک و بریریلرک ضبط ایتدکلری و یاخود نفوذلری آتشدی کی یلرده بولنور. سیاح شهر مونغو بارق نیثر نهری سواحلنده بیانی آتله تصادف ایتش و بونلرک یرلیل طرفندن اولانوب ینلیدیکنی روایت ایله مشدر؛ فقط جنوبی و غربی آفریقاده وحشی و یا اهلی آت همان معلوم دکلدر.

صغیر وقویون کی حیوانات اهلیه ممالک شمالیه ده پک چوقدر؛ سناوارده و بورایه جوار اولان قطعه لرده صغیر اتندن باشقه دوه اتی ده ینلکده در. فقط اراضی داخلیه و وسطیه ده سیاهیلر علی الاکثر اینک سودی و صغیر اتیه تعیش ایدرلر.

بوقطعة وسیعہ نك ہان ہر نقطہ سندہ طاووق بسلہ نیلیر. سیاهیلر علی العموم آو جیلق ایله تآمین حیات ایدرلر؛ آفریقانك ہان ہر طرفندہ وبالخاصہ اراضی وسطیہ وجنوبیہ. سندہ صید ایدیلہ جك پك چوق حیوانات وارد. بونلر ك ذكرہ شایان اولانلری غزال، زرد تعبیر اولنان بیان اشکی، زرافہ، فرس. الماء وفیل ایله قاپ مہاجرلری طرفندن بوصوك زمانلردہ تآیس ایدیلن دوه قوشیدر. آفریقانك بعض یرلرنده وبالخاصہ نیل علیا وجوارلرنده صید بحری یرلیرك باشلیجہ اسباب معیشتی تشکیل ایتكده در. بوقطعة وسیعہ نك ہر طرفندہ كوپك كثرلہ بولنور ایسده، آوسترالیادہ اولدینگی كی آفریقا سیاهیلری نزدندہ كوپك اتی يك عادت اولامشد. [۴]

خلاصہ آفریقا یرلیری ایچون تآمین حیات، سائر قطعہ لره نسبتلہ او قدر مشکل دكلدر. فقط زراعت ایله اصلاً مشغول اولیوب بسلہ دكاری حیواناتك اتی وسودیلہ قناعت ایدن هوتاتو اقوامی، وینہ بوجنسہ منسوب اولوب حال وحشتدہ بولنان بوژہ سمائلری استثنا ایتك لازمدر.

بوژہ سمائلر نزدندہ زراعت و حیوان بسلہ مك كلیاً مجهول اولوب بونلر چكر كہ وبعض مغدی نباتات وكوكارلہ، بونلر ك مقام استہزادہ «بوژہ سمائل برنجی» تعبیر ایتدكاری قرینجہ لرلہ تآمین حیات ایدرلر. اكثر بوژہ سمائل اقوامی قازدیقلری خندق وجوقورلرہ دوشن ویا اوجی زهرلی اوقلرینہ هدف اولان حیواناتی یرلر. آفریقانك شایان تأثر بردات و مكنتلہ تعیش ایدن بوكی اقوامی، آوسترالیانك طاسمانیا اھالیسنہ

[۵] آفریقانك اك مشهور سیاحلرندن اولان اشو نیفورت نیام نیاملك كوپك اتی یدكلرینہ دائر سیاحتنامہ سندنہ ابرخیلی تفصیلات ویرمش اولدیغندن، مؤلفك بوتدقیقائی پاكش اولق لازمدر. اللهم صم

و آمریقانك فوہ زلرینہ تشبیه ایتك موافقدر. شو تفصیلاتدن استدلال ایدیلہ بیلن نتایج عمومیہ كلنجہ :

انسانلر ك ہان ہر یردہ ات و نباتات ایله تعیش ایتدكلرنده شبہ یوق ایسده، دھا عمومی برنظرلہ باقیدینگی زمان باشلیجہ ما كولاتك نباتاتدن عبارت اولدینگی آكلاشیلیر. ممالك خارده یاشایان مدنی و وحشی اقوامك صورت معیشتلری بو حككمك دوغرولغی كوسته رر. اك اسكی زمانلردن بری نظر تاریخده معلوم اولان اقوام مختلفدہ نزدندہ مختلف الجنس نباتات مغدیہ نك زراعت سایہ سندنہ تكثیر وتأسيس ایدلمش اولدیغندہ اشتباہ ایدیلہ مر. بونباتات ارضك ہر بر نقطہ سندہ تخلف ایدر: مكسیقانك یوققا ومانیوق تعبیر ایدیلن حبوباتی ایله مصر داریسی، پرونك یر الماسی وكنیو آنامی ویریلن نبات مغدیی؛ آفریقانك دوراسی؛ چنك، مالہ زیانك وھندوستانك برنجی؛ آوروپانك و آسیانك آریہ، بغدادی وچاودا. ری بورلردہ ساكن اولان اقوام مختلفہ نك مدار معیشتلریدر. عصرلردن بری اھالینك تآمین حیاتنہ خدمت ایدن بو نباتات اھلیہ تآیس ایدیلہ ییلش اولان حیواناتی دہ علاوہ ایتك لازمدر؛ ایلك جمعیات بشریددہ انسانلر ك بعض اجناس حیواناتی تآیس ایتمش اولدقلرنده شبہ ایدیلہ مر سده، تاریخك ضبط وقایعہ باشلادینگی زماندن بوكونہ قدر صرہ سیلہ تآمین موقع ایدن جمعیاتك یلكز چوبانلق عالمنہ تعیش ایله مہدیكی حقیقت مسلمہ سنی نظر دقتدہ طوتمق ایجاب ایدر. بونك سببنی دہ چوبانلغك حیات بشریہ نك بر دور طبیعیسی اولدیغنے وزراعتك ارضك ہان ہر نقطہ سندہ وھر زماندہ مدنیتك اك بیوك سبب و نشانہ سی بولندیغنے عطف ایتك لازم كلز: اسكی مكسیقالیلرلہ بولینہ زیا ویاپو

اقوامی اصلاً چوبانلق عالمنہ بولنادقلری كی بكی قالہ دونیالیلردہ یلكز زراعتلہ اشتغال ایدوب حیوان بسلہ مكی ییلزلر. خلاصہ انسان تآمین حیات ایچون مالك اولہ بیلدیكی ہر درلو وسائطدن استفادہ ایدر؛ بونك ایچون عمومی بر قانون و اصول آرامق معقول اولماز.

متعدد دلائلدن استدلال ایدلیكندہ كورہ انسان بدایة خدای ثابت میوہ لرلہ و آتشك یعنی حرارت صنعیہ نك اختراعندن صوكرہ ات و نباتات ایله تعیشہ باشلامشد. بوكون نوع بشر ارضك ہر نقطہ سنہ انتشار ایتمش اولدینگی حالده، وحشت عالمنہ یاشایانلر كندی كندینہ حاصل اولان میوہ لرلہ و ممالك بارده و شمالیہ دہ اسكان ایدنلر حیوان اتیلہ تعیش ایله مكدہ درلر. نباتات ایله تغدی ارضك ہر نقطہ سندہ عمومی بر اعتیاد حكمنی آلمشدر. مناطق منجمدہ ساكن اولان اسكیولر بیلہ صید ایتدكاری ككلرك معدہ لرندہ بولدقلری نباتات بقیلرینی یرلر.

بوقل، مدنیات قدیمہ نك نباتات ایله تآمین معیشت ایدیلہ بیلن ممالككہ ظھور و تكمل ایتدیکنہ قائل اولور. بو فكر اساساً دوغر و ایسده ہر شیئی شرائط موقعیہ عطف ایتك خطادن عاری دكلدر. اوسہ آنیانك مدارین آراسنہ دوشن جزا یرندہ ساكن اولان اقوام تآمین حیات ایچون برچوق نباتات مغدیہ مالك اولدقلری حالده هنوز مدنیتك اك ابتدائی درجہ سندنہ قالمشدر. بولنیزیادہ يك اسكی زمانلردن بری موجود اولان مدنیتك عدم تكملی بورلردہ اسكان ایدن اقوامك تنہا بر عالمنہ یاشادقلرینہ و احتیاج كوردلیكی وقت ہجرت ایدہ بیلہ جكلری اراضینك پك طار و محدود اولدیغنے عطف اولغق دوغری میدر؟ آسیا و آوروپا قطعہ لرندہ مشھود اولان حرکات

مدنيته نك بو وېو كې اسبابه عطفې حقيقته موافق كوروله بيلير؛ مع مافيه آفريقا اقوامنه نسبتله نقطه نظر دكيشير: حقيقت حالده قافريستان سككنه سى ايله نيل ابيض ساحلنده متمكن شيلوقلر آراسنده بر فرق كوروله منر ايسهده هو طانتولير نسبت ايدللكارى زمان آراد يغمز تخلف بردن بره نظر دقته چارمقده در. آمر يقاده مهاجر نك تأثيرى واقليمك اعتدالى پك مهمدر. آز چوق تكمل وترقى ايتمش اولان بر مدنيتك ايلك آثارى اقاليم خارده مشهود اولمش وېو حال على الاكثر محدود بر نقطهده قالمشدر؛ مثلاً آمر يقانك اراضى شتاليه و جنوبيه سنده متمكن اقوام بروحشت دائمه عالمنده ياشامشدر؛ بو قطعه نك قرمى و وحشيلرى بيزوت تعبير ايديلن يبانى حيواناتك ايتله تعيش ايتلكارى حالده، بونلرى صيد ايله اكتفا ايدوب اصلاً تائيس ايدمه مامشدر. مدنيت و ترقيات قوميه نقطه نظرندن شرائط موقعيه نك تأثيرى قابل انكار دكاسهده، دوعرودن دوعرويه قوميتيه تعلق ايدن اسبابكده پك چوق دخلى وارد. مثلاً عرق اسوده منسوب اولان اقوام هېچ بر زمانده بيوك بر مدنيت تاسيس ايدمه مشدر. مصر قديم اهالي سى مستعرب، تعبير ديكرله ملز بر قوم اولوب آسيالير ايله بر بيلر، بونلر ك بر چوق عصرلر نظر فنده اكتساب ايدمه ييلش اولدقلى رقيات مدنيتي پك آز بر مدمده الارندن آلمشدر. احتياجك ترقيات فكريه ايله متناسباً تزاييد ايتمه سى و تكملات عقليه و صنايعيه ايله يو احتياجك عيني زمانده تعمنه و قولايقله تهويننه باعث اولان مساعينك اعتياده منقلب اولماسى كې مدنيتك اك بيوك اوصافندن عد ايديلن احوالك هر زمانده جارى و مؤثر بولماسى شرطيه، اك ابتدائى بر قوميت و مدنيتك آثارى چين يعنى مونغول قومنده كورولمشدر. شبه مونغوللردن ماله زيا ليلرله وسطى آمريقا

اقوامنك حيات وحشتدن قورتولمق ايجون نه قدر صرف مساعى ايتمش اولدقلى نظر تاريخده معلومدر. قطبه جوار اولان ممالكده ياشايان اقوامدن صرف نظر مونغوللردن ويا بونلردن تشعب ايتمش اولان بر قوم، مازهلانك سياحتى اواننده مازيليان آطهر، و دويهرينك زمان سياحتنده قارولين جزايرنده، بروحشت مطلقه حالنده. ياشامقده ايديلر. شمالي آسيانك ستپ نامى و يريلن واسع چوللارنده مغول جنسنندن بر چوق اقوام وارد، كه هنوز چوبانلق عالمندن حال بدويته كچه مه مشدر.

يالكر عرق ابيضه منسوب اولان اقوام، اصل ومنشأ لرى نه اولور ايسه اولسون، و حشت ابتدائيه يي ترك ايدمه ييلشدر. شو معلوماتدن، تكملات مدنيتيه جنسك شرائط موقعيه دن زياده تأثيرى اولدني استدلال ايديله بيلير.

صورت عموميهده دينيله بيلير كه: انسانيت هر نوع ترقياى بيوك بر مشكلاته اكتساب ايدر؛ بونى تامين ايدمه ييلك ايجون قابليت معاشرت، ذكا و ارادت كې اوصاف محدوده نك وجودى كافى ايسهده، بونلر رقابت حياتيهده وراثه انتقال ايله مك اوزره اعتياداته منقلب اولنجهيه قدر پك كوچ وشايان تأسف بر بطائله قازايلقمده در. قابليت معاشرت مساعى شخصيه يي ترتيب و توصيه ايتديكى حالده، ذكاوت بو مساعى يي قوميتيه مفيد اوله جق بر مقصده سوق ايلر؛ على العاده ايسه مك لفظيله توصيف ايديلن اختيار ايسه بونلردن متولد نتايجك تاسيس و تماديسنه بادي اولور.

ماله زياده طرز تغذى

نواحى قطبيه و ارض النار كې قابليت نباتيه دن محروم اولان اراضى مستشنا اولمق اوزره حياتك اك زياده مشكلاته تامين ايديله بيلديكى ممالك اوسه آيا سياهيلرينك ساكن اولدقلى طاسمانيا، آستراليا، يكي كينه، يكي قاله دونيا ايله بورالره نسبتله احتياجات طبيعيه بر درجه دها الويرشلى اولان يكي هبريد آطهرلى و سالومون و فيجي جزايريدز. بو آطهرله يكي كينه نك اكثر نقطه لرينه آسيا و پولونزيا قطعه لرينه مخصوص اولان بر چوق نباتاتك ادخالى اوزرينه بورالرده معيشت بالنسبه قولايشمشدر؛ فقط طاسمانيا و آسترالياده اغديه بوكون بيله پك محدوددر. خرما آغاجلى كې معيشت ابتدائيهده پك قيمتلى اولان اشجار مثره بورالرده نشو و نما بولماز. اليوم عرقلى منقطع اولان طاسمانيا قادينلرينك يادقلى كې آستراليادينلرىده غدالرينى تدارك ايدمه ييلك ايجون اوچى سيورى بردكنك ايله يردن جنور و جذبات مغديه سوكمك و طبيعون نزدنده «ميلتيا آستراليا» تعبير ايديلوب ييقش آغاجلر ديبيلرنده حاصل اولان بر نوع بيوك ير منطالرينى چيقارمق مجبوريتنده بونلورلر اجسام عضويه بقيه لرينى حاوى اولان اثره نباتيه و اوقاليتوس آغاجندن استحصال ايديلن عصاره ايله سرخسيه فصيله سنه تابع اكثر نباتاتك نسفلرى، آقاسيا آغاجلردن ترشح ايدن ضمغ، بعض ميوه لرك تخملى و حقى دكر صولرى ايجنده بيتن نباتات بو ممالك اهالي سى نزدنده اطعمه مقبوله دندر. انسان يالكر نباتات ايله ياشايه ميوب حيوان اتى مك مجبوريتنده ايسهده آستراليا و طاسمانيا قطعه لرنده حيوانات نباتات قدر اندردر.